

Arnulfo eiusdem ecclesiae praesuli consentiente eodem Gauzfredo reddidit. Memoratas igitur cellas, monasteria et villas cum nonis et decimis quas ipsa ecclesia de comitatu *etc. usque* vel suis usibus vindicare praesumat, quatinus ab eiusdem dominationis famulitio eas alienando subtrahat et haec ipsa in posterum perdere debeat, neque eas res, quas eiusdem praesulis tempore clerus ipsius ecclesiae in propriam substantiam nominativa destinatione segregatas retinet, quispiam deinceps ulla ratione extorquere praesumat. Videntes etiam tanti viri reverentiam *etc. usque* in diem Domini obligamus¹.

Pariser Nationalbibl. Coll. Baluze 78 f. 9. Abschrift, von Baluze im Jan. 1667 gefertigt: 'Ex chartul. vetere eccl. Aurelian., ubi bulla num. XX signata erat'.

XI.

Benedict VII. bestätigt einige Besitzungen des Klosters Figeac (Fälschung). 975, Sept. 27. J.-L. 3785.

Benedictus episcopus servus servorum Dei Calstoni viro venerabili monacho atque abbati monasterii sancti Salvatoris, quod appellatur Fiacus, suisque successoribus ibidem in perpetuum Deo servientibus salutem et apostolicam benedictionem. Convenit apostolico moderamini, pia religione pollentibus benivola compassione succurrere et iusta poscentibus animis alacri devotione impertire assensum. Tunc enim lucri potissimum premium apud conditorem omnium reponitur Deum, quando sacra loca oportune ordinantur et ad religionis statum ipso donante perducuntur. Igitur quia postulasti a nobis, quatenus confirmemus tibi locum illum, qui Exartellis sive Fontis nominari dignoscitur, ubi ecclesia in honore sancte Dei genitricis semperque virginis domine nostre edificatur, seu terram illam, quam quidam Ramnulfus et Stephanus episcopus tibi tuoque monasterio dederunt cum omnibus que ad constructionem eiusdem ecclesie data sunt vel dabuntur, ratum id fieri iudicavimus. Iure igitur sancte Romane ecclesie, cui auctore Deo deservimus, tibi tuisque cunctis successoribus Fiaci² Deo servientibus per huius precepti seriem in integrum locum ipsum tradimus et confirmamus cum omnibus ad eum pertinentibus et in perpetuum decernimus detinendum. Servos quoque Dei monachos, quos in eadem ecclesia constitueris, mandamus ut sub castitate et modestia nec non sub regulari disciplina tanquam paterfamilias vivere facias, quatenus quotidianis diebus ac noctibus iugiter Deo laudes celebrent et pro cunctorum fidelium salute incessanter exorent. Statuimus itaque hoc atque firmamus, beati Petri apostolorum principis auctoritate, cuius nos etsi impares meritis, divina tamen gratia suffragante vices

1) Cette bulle finit là, sans date. Baluze. 2) 'Fiaco' die Hs.